

Universidad di Aruba: 25 año di existencia

ORANJESTAD—Dia prome di November, Universidad di Aruba ta bay celebra na un manera hopi special segun Glenn Thode. E fecha aki lo wordo celebra cu e pueblo di Aruba y tur cu a yega forma parti y ainda ta formando parti di e Universidad aki. Asina mes Sra. Viola Poker a splica. Tin un simposio cu nan ta organisando cu lo bay ta gratis pa publico. Si nan kier pa esnan cu kier participa pa bin inscribi awor, mirando cu ta solamente 150 cupo tin disponibel. Pa haci esaki por yama na 582-3901 y registra. E prome actividad ta e fiesta, anto un estudiante por haya mas informacion subiando FB di Universidad di Aruba. Aparte segun Sra. Ecmeyer ta bay tin un exposicion di Universidad di Aruba, basa riba 3 aspecto: Universidad di Aruba antes, presente y futuro. Sra. Ruby Eckmeyer cu ta coordina e parti aki ta sigui splica cu e lo ta habri den weekend solamente pa publico. E fecha di apertura lo ta dia 15 di November anochi. Aki lo ilustra con e klasnan tabata ta, con un banki y e material di e tempo ey tabata ta. Paso e edificio di La Salle ta cumpli 100 año cu a wordo construi na año 1915, ta haci mas interesante ainda. Pa e motibo aki sra. Eckmeyer ta pidi cooperacion di e pueblo cu sa of tin den nan posicion algo di e temporada aki y e tema aki, pa haci contacto cu Universidad di Aruba y su persona.

BUKI

CONMEMORATIVO

Pa e ocasion aki tambe lo bay tin un buki conmemorativo cu ta basa riba 25 alumno



cu a termina nan carera na Universidad di Aruba y hasta a sigui mas aleu den na estudio na Hulanda. Awe e personanan aki ta digno representantenan den comunidad y cu un trayectoria bunita eherciando e profesion cu nan a studia den dje. Esaki ta pa curasha e studiantenan actual y duna ehempel unda un estudiante por yega. E diferente centronan lo presenta kico nan trabou ta denter di e organizacion.

COLECCION DI ARTE

Lo bay tin tambe un coleccion di arte traha pa nos artistanan local, tambe tin un coleccion di buki propiedad di e Universidad durante di e 25 año di su existencia. Den e presentacion di bukinan aki tin un plakkaat boek data for di año 1752 y ta un serie completo. Ta bay tin un conta-

mento di storia cual lo wordo documenta. Si kier tuma parti na e exposicion aki tuma contacto cu Universidad di Aruba na 588-9946, Srta. Mellendy Neuman a papia riba e buki cu ta conta un poco mas di Universidad di Aruba y specialmente esnan cu a caba e Universidad y cu awe ta trahando na Aruba.

UN BUKI BASA Ariba 25 EX STUDIANTE

E buki ta basa riba 25 estudiante cu a wordo scogi, na unda un tempo a atende e Universidad di Aruba, un storia di locual nan a experiencia durante y despues cu a caba Universidad. Nan rol awe den comunidad como profesion-alnan. Pues un buki conmemorativo desde 1988. E meta ta pa e buki ta pa e studiantenan refleha riba dje. E Buki aki lo bay ta na benta pa es-

nan interesa.

CHARLA / SIMPOSIUM

Universidad di Aruba tambe lo bay tin charla presenta pa expertonan di afo, segun Sra. Viola Bogaert. Ta bay tin hopi orador y hasta invitacion a wordo manda pa un orador di Harvard University.

SR. DAVID KOCK

Sr. David kock ta e prome graduado di 555 cu a gradua caba for di Universidad di Aruba. Durante tur e año di existencia tin un cantidad di tesis den e biblioteca. Tambe tin revista y Aruba Huridico tur esakinan lo t'ey pa mira. Prome cu e celebracion cu publico, lo bay tin un momento di celebracion priva cu e studiantenan di antes, e staf y algun invitado special. Esaki pa cu e hecho cu existencia di 25 año di Universidad di Aruba. □

